

From
Synod Literature & Publication Board
Synod Office
Aizawl – 796 001
Mizoram

Synod

e-mail : synodnews@gmail.com

Vol. XXXIX No. 9 A man ₹1/- NEWSLETTER SEPTEMBER 2024

LÂWRKHAWM

SYNOD ZAIPAWL HLAN

Ni 25.7.2024 zân khân Synod Conference Centre-ah Mizoram Synod Zaipawl (2024–2026) member-te chu Rev. R. Vânlalngâka, Synod Moderator-in Pathian hnênah a hlan. Mizoram Synod Zaipawl tharah hian Conductor Tv. Benjamin Pazâwna (Chanmari) leh member 24 an awm. He hun hi Rev. Dr Rosiamliana Tochwang, Central KṚP Leader-in a kaihrui a ni.

ZAI HRUAI TRAINING

Zai Hruai Training pein ni 25.7.2024 khân Pu C. Zirliantanga, Music Instructor leh Tv. Vânranghâka, Keyboardist-te Rêngdîl Kohhranah an kal a; ni 10.8.2024 khân Aibâwk Bialah Pu Benjamin Sailo, Music Instructor leh Tv. Vânranghâka, Keyboardist-te an kal bawk.

SIKULAH CRUSADE

August ni 7–9, 2024 chhûng khân Hill Gate School, Siaha-ah crusade buatsaih a ni a. Crusade hmanpui hian Campus Ministry aṭangin Rev. H.L. Thianghlima, Director, T.Upa K. Lalêngzâma, Resource Person leh Tv. Lalrinchana, Counsellor te an kal.

THAWKTU THAR

Hêng mite hi Synod hnuai contract-a thawk tûrin lâk thar an ni a, ni 6.8.2024 khân an hna hi an zawm:

- Pharmacist, John Williams Hospital, Lunglei
Rosângliani d/o Lalthanmawia
Tuikual North
- Chowkidar, Synod Rescue Home
Lalhmingmawia s/o F. Lallâwmkima
Suangpuiâwn

HARHNA INKHAWMPUI HLIM TAKA HMAN A NI

August ni 2–4, 2024 chhûng khân Saron Vêng Kohhran Biak In, Aizâwlah Harhna Inkhâmpui vawi 10-na chu Pathian hruainain tuang tak leh hlim taka hman a ni a, thupui chu ‘Nunna chu thlang rawh u’ (Deut 30:19) tih a ni.

Thupui hi Rev. R. Vânlalngâka, Synod Moderator leh Rev. C. Zoramawia, Sr Executive Secretary-te bâkah Laldinthara (Gospel Meichher Team Speaker), V. Thanghuama (Gospel Herald Team Speaker), Lalthara (Servant of God Team Speaker), F. Hmingthansânga (Mi Lungngaite Ṥhian Team Speaker) leh Upa H. Lalhimpua (Prayer Founda-

tion Team Speaker)-ten an sawi a. Inkhâwm apiangin zaipawl pathum an zai ṭhîn bawk.

Harhna Inkhâmpui hi tûn hma chuan ‘Revival Meet’ tia hman ṭhîn a ni a, Synod Revival Speaker leh Counsellor-te intuai tharna hun atân hman ṭhîn a ni. Tûnah hian Synod Revival hnuaiah Speaker 70 (Mipa 68 leh hmeichhia 2) an awm.



Harhna Inkhâmpui 2024 hmangtu Synod Revival Speaker-te

SYNOD ZAIPAWLIN WALES RAM AN TLAWH

Presbyterian Church of Wales (PCW) sâwmna chhângin, SEC rem tih ang leh OM remruatnain Synod Moderator Rev. R. Vânlalngâka leh Central KṚP hruaitu mi 2 leh Mizoram Synod Zaipawl member-te chu Wales ramah an zu kal a; Llangollen International Choral Festival (July ni

6&7) leh PCW General Assembly (July ni 8&9) an zu hmang a ni. General Assembly-ah hian Mizoram Synod Moderator-in chibai bûkna a sawi a, Mizoram Synod report a pe bawk. An châm chhungin Zosâpte thlân an tlawh a, kohhran leh hmun hrang hrangah rawngbâwlin hun an hmang bawk.



Synod Moderator, CKṚP hruaitute leh Mizoram Synod Choir – Coleg y Bala, Wales, UK-ah

SYNOD Newsletter

EDITORIAL STAFF

Rev. Lalbiaknia
(9862362913)

Rev. V.L. Luaia Hranleh
Upa K. Lalnginglova
Zohmingliana Colney
(9615231750)

SYNOD CHHAWMDAWLNA

Tûn hnaia harsatna hrang hrang tâwkte hnênah Synod Relief Fund aţangin hetiang hian chhawmdâwlina pawisa pêk a ni:

Khua	Pêk chhan	Chhûngkaw zât	Pêk zât	Khua	Pêk chhan	Chhûngkaw zât	Pêk zât
Zuangtui	Lei min tuar	17	1,85,000	Mêlthum	Damlo	1	10,000
Airfield Vêngthar	Tui lian leh			Thênzâwl Field Vêng	Damlo	1	10,000
	lei min tuar	10	1,80,000	Manikbond	Damlo	1	10,000
Muallungthu	Lei min tuar	4	1,46,000	Dârlawn	In kang	8	1,06,000
Mêlriat	Vânduaina tâwk	8	70,000	Muanna Vêng	Lei min tuar	4	30,000
Buhbân Kohhran	Biak in bul lei min dâwlina atân		50,000	Sihtiang Vêngthar Kohhran	Lei min dâwlina atân		30,000
Keiţum Dinthar Kohhran	Biak in compound min lung rem nân		50,000	Sialsûk	Damlo	3	30,000
Hunthar	Vânduaina tâwk	3	40,000	Hrianghmun	Damlo	3	30,000
Ţinghmun	Damlo	3	30,000	Khawllailung	Lei min tuar	2	20,000
Saitual North Kohhran	Lung rem chhia siam that nân		30,000	Bangla Vêng			
Zâwngin	Damlo	3	30,000	Sihtmui	Damlo leh	2	20,000
Sialsûk leh Sailâm	Lei min tuar	2	25,000	Phûllên Vêngthar	In chhia	1	15,000
Zêmabâwk	Vânduaina tâwk	1	20,000	Hliappui	Damlo	1	10,000
Sailâm	Damlo	2	20,000	Mêlbûk	Lei min tuar	6	1,10,000
Keiţumkâwn	Damlo	2	20,000		& mitthi râlna		
Dâmpui	Damlo	2	20,000	CTI, Sesawng	Lei min tuar	1	20,000
Bûng Bangla	Damlo	2	20,000	Bâwngkâwn leh	Lei min tuar	2	20,000
Mauchâr	Damlo	2	20,000	Bâwngkâwn Shalom			
Hmunnghâk	Lei min	2	20,000	Vânbâwng	Damlo leh	2	20,000
Hualngohmun	Vânduaina tâwk	2	18,000		khawsak harsa		
Tuipuibari	In chhia	1	15,000	Mêlriat	Damlo	1	10,000
Tlângnuam	In chhia	1	15,000	Lungdai	Damlo	1	10,000
Vêngthlang				Pipla	Khawsak harsa	1	10,000
Saitual North	Lei min tuar	1	15,000	Khawmawi	Râltlân	13	65,000
Khawhnai	Damlo	1	10,000	Khawmawi Vêngthar	Râltlân	13	65,000
Rûlchâwm	Damlo	1	10,000	Chawntlângpui	Râltlân	9	45,000
Champhai Kanan	Damlo	1	10,000	Chawnhu	Râltlân	6	30,000
Phuaibuang	Khawsak harsa	1	10,000	Zêmabâwk North	Khawsak harsa	2	20,000
Suangpuilâwn North	Khawsak harsa	1	10,000	Zêmabâwk Field Vêng	Khawsak harsa	2	20,000
North Khawlêk	Damlo	1	10,000	Tanhril leh Ramrikâwn	Khawsak harsa	2	20,000
Hriangtlâng	Damlo	1	10,000	Zêmabâwk East	Khawsak harsa	1	10,000
				Kawrtethawveng S	Damlo	1	10,000

Editorial.....

BEIHRUAL

Kum 1918 aţangin Beihrial hi hman ţan a ni a, tûn thlengin kohhran hian ţangkai takin kan la hmang ta zêl a ni. September, Beihrial thla chhûng hian zan tin kohhran inkhâwm programme buatsaih a ni ţhîn a, zir tûr pawh siam ţhin a ni. Kohhran mipui chu sawi loh, kohhran hruaitute zîngah pawh zan tin inkhâwm pumpeluh duh leh a pehhêlna zawng kan awm em ni chu aw, tih tûrin zan tin inkhâwm lova zângkhai deuhva Beihrial hman duh zâwk an awm a ni mai thei. Synod Inkhâwmpuiin Beihrial programme a tidanglam emaw, a titâwp emaw a nih si loh chuan tûna programme kan neih ang hian ţahnemngai takin kan hmang zêl tûr a ni ang.

Tûn hma lam deuh khân kohhran-hovin Beihrial hi an ngaihlu a, ţahnemngai takin an lo hmang ţhîn. Thingtlâng lamah chuan lo lam ţûlna avânga ramriakte pawhin zânah insâwm khâwmin, thlâmah meichher êng nêh Beihrial inkhâwm an hmang hrâm hrâm ţhîn baw. Tûnlai kohhran mite hian kan mi hmasate taihmâkna leh ţahnemngaihna kha kan chhawm nun zêl a duhawm hle. Beihrial thla hi thlarau lama mahni nun intuai thar nân hmang ila. Inkhâwm te, ţawngţai te, Bible chhiar te, thil ţha tihah te keimahni leh mi dangte thatna tûra ţan lâk nân i hmang ţheuh ang u.

TAN INA RAWNGBAWLNA

Ni 4.8.2024 (Pathianni) chawhma leh chawhnu khân Central Jail-a Mipa leh Hmeichhe Jail-ah Rev. Lalhmuchhuaka, Director leh Counsellor-te – Upa C. Lalsângzuala, Pu David Lalnunsânga Colney, Tv Lalthansânga Sailote rawngbâwlin an kal a. Anni bâkah zaia rawngbâwlin NI. Lalawmpuii, Châltlâng; NI. Lalmuanawmi Fanai, Upper Republic; NI. Lalduhawmi, Durtlâng leh NI. Lalhriatkimi, Kolasib-te an kal baw. Aizâwl khawpui pâwna District Jail zawng zawngah Prison Ministry Sub-Committee ruahmannain chawhnu lamah inkhâwm vek a ni baw.

ACCOUNTS TRAINING

Ni 10.8.2024 khân Accounts Training pein Kolasib Hmâr Vêng Pastor Bialah Finance Department aţangin Upa Lalrosânga Kâwlni, Upa Vânlalrâwna Khiangte leh Pu Lalhruaizêla Râltête an kal.

ZIN

August ni 7&8, 2024 khân Lungleiah Khawiva ram en felin Upa Thanglian-khûma, AE; Pu Lalhriatrenga, JE leh Pu J. Malsâwma, OA-te an kal.

🌟 July 2024 chhûngin harsatna hrang hrang tâwkte hnênah Synod Relief Fund ₹14,53,000/- sem a ni.

Râl Vêngtu

Tûk khat chu kohhran hruiatu rual hian Râl Vêngtu hnênah, "Râl Vêngtu, tûnlai hian kohhran hi kan reh ruih mai a, inkhâwm lah kan tlêm, social media lama inlâr peih tak tak hi chu awm bawk mah se, a taka kohhran nun hi a khawharthlâk viau mai a. Engtia han tih chi nge ni dâwn le?" an ti a. Râl Vêngtu chuan, "Hnatlâng ko rawh u," a lo ti a.

Hruaitute chuan, "Eng hnatlâng nge kan koh vang? Thawh tûr pawh kan nei tawh hlei nê. Biak in leh kohhran hall-te lah kan sa zo vek tawh si a," an ti a.

Râl Vêngtu chuan, "Kristian Vânrâm Kawng Zawh buah khân Kristiana kha lungngaihna chirhdûpah a tla a. Pathian-thuhriltuan a rawn kaih chhuah hma kha chuan a tâng reng mai a. Kaih chhuah a nih hnua chuan vânrâm thlengin a kal thei ta asin. Chutiang mite hnûk chhuak tûr chuan hnatlângpui ko rawh u," a ti a.

Hruaitute chuan, "Lungngaihna chirhdûp chu khawiah nge a awm a?" an ti a.

Râl Vêngtu chuan, "In mit ni lovin in bengin zawng rawh u. In kohhran chhûng-ah tangka sum ngaina te, zu leh ruihhlo ngawl vei te, AIDS natna vei te, nawm chen ngaina te, changkân duh luat vânga tih loh loh tia mahni intichhia te, rei tak khumbeta damlo te, retheihnain a bawih beh tlat te tam tak an awm. Chûng mite chu lungngaihna chirhdûpa tângte chu an ni. Hêngho hi in hnua chhuah loh chuan vânrâm thleng thei lovin lungngaihna chirhdûpah chuan an pil bo mai dâwn a ni. Hmangaihna, khawngaihna, hriat thiamna, lainatna, ngaihdamna, insênso huamna leh tawngtâina hruiên te, mahni neih ang ang thawh chhuahpui ula, hnatlâng rawh u," a ti ta a.

Hruaitute chuan, "Râl Vêngtu, thawh tûr kan lo va la ngah êm! Lungngaihna chirhdûpa tângte chhanchhuah hi building neih changtlu aiin a lo pawimawh zâwk daih si a," an ti a, hnatlângpui ko tûrin an chhuak ta ngâl a.

SYNOD HOSPITAL, DURTLÂNG THILPÊK DAWNTE

(June & July 2024)

I. CHARITY FUND

June

1. Amos Rintluanga Pautu	
Chhînga Vêng (A kum 13-na pualin)	₹50,000
2. Pi Zokhûmi Vânkûng, Zârkawt	₹20,000
3. Pi Lalremi, Zêrabâwk North	₹4,000
4. Dr Lalmalsâwma Nghâka	
D-3 Business Enterprise	₹5,000
5. Pu Zodinliana, Mission Vêng, Aizâwl	₹2,000
6. Hming thup	₹500
7. Khatla Pharmacy	₹2,000
8. Central YMA, Tuikhuatlâng	₹15,000
9. Synod Lay Workers Fellowship	₹1,70,500
10. Thingsûlthliah Pastor Bial KPP	₹5,000
11. KTP, Kâwkuh North Pastor Bial	₹3,000
12. KTP, Nisapui Pastor Bial	₹5,000
13. KTP, Chawlhmun Pastor Bial	₹10,000
14. Tumpui Kohhran Hmeichhia, Kolasib	₹3,000
15. Tûahzawl Kohhran Hmeichhia	₹5,000
16. Saitual Pastor Bial	
Kohhran Hmeichhia	₹10,000
17. Thingsûlthliah Pastor Bial	
Kohhran Hmeichhia	₹10,000
18. Zêrabâwk North Kohhran	₹50,000
19. Keitum Pastor Bial	₹50,000
20. Nisapui Pastor Bial	₹10,000
21. Airfield Vêngthar Pastor Bial	₹20,220
Belh khâwm	₹4,50,220

July

1. Pi Lalremi, Zêrabâwk North	₹2,000
2. Pu Zodinliana, Mission Vêng	₹2,000
3. Dr Lalmalsâwma Nghâka,	
D-3 Business Enterprise	₹5,000
4. Pi Rohmingthangi, Kulikâwn	₹30,000
5. Pi L. Zotâwni, Sister Rtd, Leitan	₹50,000
6. Pu Lalremsiama te chhûng, Biata	₹28,000
7. Hming thup	₹5,000
8. Khatla Pharmacy, Khatla	₹2,000
9. MHIP, Tuikual South Branch	₹20,000
10. MHIP, Khatla Branch	₹10,000
11. Mizoram Christian College, Mission VT	₹15,600
12. LAD, UPC (NEI), Durtlâng Bial	₹10,000
13. KTP, Kawrtethawveng Pastor Bial	₹5,000
14. Kolasib Vênglai Kohhran	₹50,000
15. A.R. Presbyterian Kohhran, Dâwrpui	₹2,000
16. Electric Vêngthlang Kohhran	₹50,000
17. Muanna Vêng Kohhran	₹25,000
18. Lallen Kohhran	₹13,660
19. Edenthar Kohhran	₹20,000
20. Lungdai Hmâr Vêng Kohhran	₹2,000
21. Lungdai Kohhran	₹2,000
Belh khâwm	₹3,49,260

II. THISEN PETUTE

June

1. YMA, Zotlâng Branch	57
------------------------	----

2. PYD, Durtlâng Bial	13
3. Tûampui Vênglai Kohhran	50
Belh khâwm	120

July

1. PYD, Mizoram, Chawlhmun Bial	46
2. PYD, Mizoram, Bâwngkâwn Bial	22
3. PYD, Mizoram, Durtlâng Bial	17
4. PYD, Mizoram, Tûampui Bial	14
5. Aizâwl Area TPK Co-ordination Comt.	54
6. KTP, Bâwngkâwn Bethel Branch	35
7. KTP, Dinthar Branch	51
8. KTP, Nisapui Pastor Bial	62
9. KTP, Leitan Pastor Bial	42
Belh khâwm	343

III. THILPEK DANGTE

- Pi Remliani, Khatla – Ortho Ward-a hman tûr Kristian Hla Bu 10.
- Upa Malsâwma, Ramhlun Vêngchhak – Palliative Ward foot kit lei nân ₹12,000/-
- YMA, Edenthar Branch – Plastic thutthlêngsei (3 seater) 5.
- YMA, Chanmari Branch – Mitthi khuhna puan 20.
- Social Front Committee, Aizâwl Kohhran – Grace Home tân ₹10,000/-
- KTP, Sihfa Pastor Bial – Hmunphiah 200.
- KTP, Aibâwk Bial – Grace Home tân ₹5,000/-
- Sialhau KPP – Hmunphiah 50.
- Leitan Pastor Bial KPP – Hospital quarters hlui thiatin mi 40 an hnatlâng.
- Zonuam Kohhran Hmeichhia – Grace Home tân ₹20,000/-

July

- Hming thup – Palliative Care tân ₹40,000/-
- SB Enterprise, D-4, Hrângbâna House, Chanmari – Choka atân plastic chair 14 (₹7,000/- man hu)
- Arjun Joshi, Delhi – Palliative Care tân ₹60,000
- L. Beihrawsa te nupa, Siaha College Vêng – An fapa L. Benekious Lalpêkmawia (L) hriat reng nân Surgical Ward hman tûr wall fan.
- Zonuam Kohhran Hmeichhia – Synod Hospital tân ₹15,000/-
- Mission Vêng Kohhran – Dr Fraser's Clinic-a damlo inentîr tûrte thutna ₹1,64,300/-

LAWM THU SAWINA

Hospital tâna thilpêk chi hrang hrang min petute chungah Pathian hmingin lâwm thu kan sawi e. Thil pe duh tân Director (9436154365) leh Nursing Superintendent (8729858633)-te hnênah eng tik lai pawhin inhriatîr thei a ni e.

Rev. R. Lalvulluaia
Chaplain, Synod Hospital, Durtlâng



CENTENARY LAW M DAWN

Champhai Kahrawt Kohhran chuan September ni 22–29, 2024 chhông hian an kum za tlin (Centenary) an lâwm dawn a. Hetah hian Bialtu Pastor leh Pro. Pastor lo awm tawhte leh he kohhrana lo lawi tawh zawng zawng tel vek tûrin an sâwm a ni.

NATIONAL DAY OF PRAYER & PROTEST DAY

Ni 10.8.2024 khân India rama kohhran inzawm khâwm pâwl, National Council of Churches in India (NCCI) hnuai kohhran-te chuan National Day of Prayer & Protest an hmang a. India rama Dalit Kristiante leh Dalit Muslim-te en hran leh thliar bîk an nih duh lohna lantîr nân he hun hi hman a ni.

Kum 1950 khân dân pakhat, 'The Constitution (Scheduled Castes) Order' chu pass a ni a, chu chu 'Presidential Order 1950' tia sawi a ni bawh. He dân hian, "Hindu sakhaw betute ni lo chu Scheduled Caste an ni thei lo vang," a ti mauh mai a. Kum 1956-ah he dân hi siam that hlek (amend) a ni a, chutah chuan Sikh sakhua an rin lût tel ta a. Kum 1990 khân siam that leh a ni a, Buddhist pawh rin luh tel an ni ve leh ta a. Amaherawhchu, wawin thleng hian Dalit Kristian leh Dalit Muslim-te chu Scheduled Caste an la ni ve thei ta lo a ni.

He inthliarna tha lo tak hi duh lovin, National Council of Churches in India chuan India President-in order-a hming a ziah ni, August ni 10 hi kum tin National Protest Day-ah a hmang thîn a ni. National Protest Day-ah hian tawngtai rual bâkah lungawi lohna lantîrin hun hman thîn a ni a. Dalit Kristiante leh Dalit Muslim-te hi Scheduled Caste-ah an awm ve theih nân tawngtai thîn a ni.

Mizoram Presbyterian Kohhran pawh NCCI-ah hian member a nih avângin he ni hi hmang ve tûrin NCCI chuan a ngên a. Chumi bawhzui chuan Synod Officers' Meeting chuan hemi zâna kohhran inkhâwmah hemi puala tawngtai tûra hriattîrna online-in a thawn chhuak a. Hei bâkah hian, Synod Office-a thawktute pawhin hemi pual hian office kal ni, ni 9.8.2024 (Zirtâwpni) khân hun an hmang a, Rev. V.L. Luaia Hranleh, Executive Secretary-in a kaihrui a ni.

SYNOD MISSION BOARD

◆ Pre-Convention Campaign

July ni 27&28, 2024 chhông khân Masihi Sangati Convention wavi 33-na, October ni 18–20, 2024 chhônga Saituala awm tûr pualin Pre-Convention Campaign huaihawt a ni.

Pre-Convention Campaign hi Convention thlengtu tûr Bial chhônga kohhranah convention dawn hnaiah buatsaih thîn a ni a. Tûn tumah pawh hian Saitual khawpui chhônga kohhran parukah campaign hi neih a ni. He campaign-ah hian Upa Lalthahluna Râlte, SMB Co-ordinator leh Rev. R. Lalrinsânga, Masihi Sangati Kendra Director-te bâkah campaigner mi 47 leh zaipâwl 10 an kal.

◆ Mission School tlawh

August ni 5–9, 2024 chhông khân Tripura Mission Field-a Mission School hrang hrang tlawhin Pu K. Lallianzuala, Supervisor of Schools a kal.

◆ Ramthar Campaign

August ni 10&11, 2024 khân Lungkawlh Kohhranah Ramthar Campaign hmanpuiin Rev. R. Lalhmingsânga, Synod Mission Board Secretary a kal.

ZIRTIRTU TRAINING

Sunday School zirtirtu training pein hetiang hian trainer-te an chhuak:

Ni 27.7.2024 khân *Thakthîng Kohhranah* Upa K. Zoremsânga, Upa B. Hmingthanruala leh Upa Isak Zârzoliana Chhangte; Shillong Kohhranah Upa B. Lalhmunliana leh Upa K. Vânlalngâka.

Ni 3.8.2024 khân *Chhînga Vêngthlang Kohhranah* Upa Lalhanchhônga, Upa Lalrinawma Râlte leh Upa Danny Lalremmawia; *Thaidawr Bialah* Upa K. Zoremsânga, Upa B. Hmingthanruala leh Upa H. Lalngînglova.

Ni 10.8.2024 khân *Muallungthu Bialah* Upa Hrilthansânga, Upa Zionpârlâwma leh Upa H. Lalremruata.

AWARENESS CAMPAIGN

August ni 10&11, 2024 khân Ramngaw, Nungcha leh Tuihna humhalh Awareness Campaign hmanpuiin Er H. Duhkima, Campaigner chu Khuanglêng Pastor Bialah a kal.

MIZORAM CHRISTIAN COLLEGE

◆ NE NSS Festival-ah NSS Unit kal

July ni 15–19, 2024 chhông khân Sikkim khawpui Gangtok-ah North East National Service Scheme (NSS) Festival buatsaih a ni a. He hunah hian Mizoram Christian College NSS Unit pawh tel vein, zirtirtu pakhat leh zirlai paruk an kal. MCC aţanga kalte hi NI. H. Malsâwmzuali, Asst. Professor, Department of Management & Programme Officer, MCC NSS Unit-in a ho va, hnam lâm te entîrin Life Skills Training te an nei bawh. He hunah hian Cultural Exchange Programme hman a ni a, State hrang hrang aţanga kalte chuan State dang an pawh fuh apiangte hnam lâm angin an lâm ve a, MCC hian Meghalaya pawt fuhin an hnam lâm angin an lâm ve a ni. North East NSS Festival-ah hian Mizoram aţangin mi 30 an kal.

◆ Hmun hrang hrang tlawh

Ni 19.7.2024 khân Co-curricular Activities (CCA) hunah MCC zirlaite chuan inpawh tawna tha zâwk an neih theih nân leh an zirna atâna tângkai tûrin hmun hrang hrang an tlawh a, chûng zîngah chuan – Synod Resource Centre te, Mizoram State Museum te leh Synod Multipurpose Training Centre te a tel. Tin, zirlai thenkhat chu taksa hrisêlna lam hawiin an infiam bawh.

◆ Workshop-ah kal

Ni 23.7.2024 khân Guwahati-ah North Eastern Region NAAC Binary Accreditation Workshop buatsaih a ni a. Hetah hian Lalmuansânga, Asst. Professor, Department of Sociology & IQAC Co-ordinator, MCC chu college ai awhin a kal.

◆ Mizo Tawng Zir Hona Buatsaih

Ni 31.7.2024 khân Department of Mizo, Mizoram Christian College leh Mizo Language Development Board (MLDB) tawng kawp chuan 'Ni Khat Awh Mizo Tawng Zir Hona' an buatsaih. He hun hi P.C. Lalngaihzuola, HoD, Mizo Department, MCC-in a kaihrui a; Pu R. Lallianzuala, Chairman, MLDB-in Zir Hona a sawi hawng a ni.

He hunah hian MCC-a department hrang hrang 5th Semester zirlaite bâkah ICFAI University, Govt Johnson College leh Govt T. Romana College-a Mizo Department zirlai leh zirtirtute an tel ve bawh.